





3759.

Christiernus Michaëlius
& Bartholomæus Christierni daugter,
In nuptias
M. Erasmi Catholmii
& Elizabethæ Harebarth.




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3759 4° (LN 1037)






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3759 4° (LN 1037)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3759 4° (LN 1037)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3759 4° (LN 1037)

DA BOY

= L. N. 1037

H



BARTHOLOMÆI CHRI-
STIERNI LANGII

ALETHES.

Seu votum in nuptias claris-
SIMI VIRI M. ERASMI CATHOL-
MII, ALMÆ ACADEMIÆ HAFNIENSIS,
professoris vigilantissimi, & honestissimæ Virginis Elizabethæ, natæ
patre prudentissimo M. Iacobo Hæsbart, Serenissimi Regis
Christiani III. Chirurgo peritissimo, in
domino suauiter quie-
scente.

ET ALIVD EPITHALAMIUM
SCRIPTVM A CHRISTIERNO
Michaëlio Choagiensi.



HAFNIÆ,
Excudebat Laurentius
Benedictus.

1570.



BARTHOLOMÆI

Christiæni Langij

ALETHES.

MOERIS. MELIBOEVS. THYRSIS.



Lba rubescebat stellis aurora fugatis,
 Auratumq; iubar terris monstrabat Apollo:
 Ad pastū Mæris, simul et Melibæus amænū
 Quum ducūt pecudes, vestitas vellere molli
 Quæ modo per noctem renouārant membra sopore,
 Dum syluæ vmbrosæ, montes & læta quierant
 Pascua. Tum Mæris prior orsus: Cur tua rugis
 Frons Melibæe tibi nunc est contracta seueris?
 Cur tibi non vultum consueto more serenat,
 Spes inuicta malis, & cordis viuida virtus?
 Irarum causās socio narrare fideli
 Cunctaris? tacitus feruentes percoquis æstus?
 An nescis magna releuari parte dolorem,
 Sincero fratri narras vbi vulnera cordis?
 Pharmaca, crede mihi, data sunt cōtra omne nociuum.
 An causas ô Mæri mali, non cernis? ab orco Mæli.
 Traduxit (reor vt) quosdam vaga cymba Charontis,
 Æthnæos fratres, peruersi Martis alumnos,
 Aruis qui latè posuere cubilia nostris.
 Prodyt ex istis obscura hac nocte latebris
 Miles, qui profus turbauit ouile, gregemq;
 Mactasset tenerum ferro, manibusq; cruentis:

A 2

Acane

*Acane iam multum si non latrante fuisset
Excussus somno, nodoso & robore raptō,
A septis hostem repulisset : de grege toto
(Quem mihi syluina gus conseruet Pan) supersset
Vix hædus, dolor heu, sunt Martis damna nocui.*

*Mær. Defendens patriam duro discrimine vitæ,
Non pecudem è stabulis, interdum miles habebit?
Æstus irarum collectos corde fugato:
Omne malum tandem fortis patientia vincet.
Et demùm læti tranquilla pace fruemur,
Aspera cum positis mitescent secula bellis.*

*Meli. Ventura requie, mellitæ & pacis amore,
Exhilaror multum : sed plus mea pectora mulcet,
De grege quod prædam miles non duxit opimam:
Sed pœnam potius retulit, pro talibus ausis.*

*Mær. Lanigeros Melibææ greges cogamus in vnum:
Vna salus ambobus erit gregibusq; virisq;
Pastorum videat quantum concordia possit
Braecatus miles : sed morigerare sodali,
(Nam modo quod memoro factum, fortuna sequetur)
Rumpe moras subito, dispersas coge bidentes.
Pascua læta scio, rapidus quæ flumine torrens
Munivit, pecudes seruet, tutosq; magistros:
Efficiam certò te tota hac luce quietum.
Perge modò, & qua te ducit via dirige gressum.*

Meli. O locus optatus nobis, ô pascua læta,

Nym.

Nympharumq; domus : dubio procul, indice tenso
Pan tibi monstravit, nostri permotus amore.
Florentem carpunt cythisum atq; arbusta capellæ:
Has ego securus, viridi proiectus in antro
Aspiciam. Sed nunc, quoniam convenimus ambo,
Versibus alternis fallamus longa diei
Tædia, quæ stimulis mortalia corda fatigant.

Rectè equidem Melibæe mones, quid possit vterq; Mar.
Experiamur. Adest nobis sed Thyrsis ab vrbe,
Ornatus sertis, & pelle lybistidis vrsæ:
Forsan quid leti referens, novitatis anaras
Aures mulcebit. Iuuenis spectate quid affers?

Cingite fronde comas pastores, nuncio leta. Thyr.
Indiginæ Fauni, Nymphæ, Driadesq; bicornes,
Omnes exultant præclara sede Minervæ:
(Quæ mercatorum statio est quoq; fida carinis)
Hinc atq; hinc Musæ veniunt ex montibus altis,
Ornatasq; domos obtentu frondis inumbrant.
Omnis multiplicat sonitum campana per urbem:
Cymbala multa sonant, reddit caua tibia cantus.
Tum chelys & citharæ recreant modulamine dulci
Nympharum synodum. Præsens Melibæe videres
Pastorum cætum, fama super æthera notum.
Luce hac solenni, siquidem venerandus Alethes
Constituit Thalami sociam sibi iungere casti.

Dys equidem auspiciis, reor, & Iunone secunda, Meli.

Inuentam sponso præstanti corpore sponsam.

Aspiret cæptis celsi fabricator olympi.

Connubij autores dic prima ab origine Thyrsis

Præsentis, molli quoniam requiescimus herba.

Thyr. Tertia iam lunæ renouant se cornua, postquam

Has inter corylos densas proiectus in vmbra,

Tres cæli dominas manifesto in lumine vidi:

Conciliij & patulis decreta his auribus hausî.

Æthereos inter nymbos stans casta Minerua,

Cælicolas dominas verbis compellat amicis.

O Iuno omnipotens, Iouis omnipotentis & vxor,

Et Chitæra Venus, quæis vincla iugalia curæ,

Ad vos confugio supplex, & numina posco.

Filius illustris, summæ & probitatis, Alethes,

Est mihi, quem placidi complector cordis amore.

Hic mihi solamen, requies, hic sola voluptas:

Me siquidem rudibus genitricem agnouit ab annis.

Ille meo amplexu semper, colloq. pependit,

Vt cui præbebant molles hæc pectora mammas.

Hicq. meis miles fuerat mihi fortis in armis:

Dotibus ingenij pollens, & munere linguæ,

Mille mihi adduxit cultores voce sonora.

Suauiter instillans mysteria sacra docendo,

Innumeris veram pascendi tradidit artem.

Arbusiæ postquam puer hic rudimenta salutis

Hausit, sincero tenuit pia dogmata corde.

Ars

*Ars mea difficilis iuuenem nec terruit vnquam,
Nodos obscuros dissoluit acumine mentis.
Quidlibet aggressus cordati est militis instar.
Hunc (mibi quòd mirum) nunquam turbauit egestas
Proposito. Rarò inueni bona Iuno tulisti
Suppetias: nostros siquidem ditare recusas.
Soluendi ambages methodum didicitq, docetq.
Gramina non gregibus feruenti tincta veneno,
Præbuit, aut diram pecudi dedit ille cicutam.
A vero falsum normis discernit acutis:
Non secus ac rutilans Phæbus cum surgit ab vndis
Oceani, extemplò nigrum distinguit ab albo:
Separat ingenij donis, sic doctus Alethes
Pascua, quæ pecudes seruent pastasq, saginent,
A gelidis herbis, folijsq, necantibus agnos.
Huic ego constitui formosam iungere sponsam:
Ne sit ab officio curis distractus agendo:
Et mihi cultores propria de stirpe relinquat.
Ergo quam cupio, dominæ date quæso potentes.
Ad quæ sic Iuno, paucis, exorsa locuta est.
Diuitijs ornare meum, Veneris dare sponsas:
Sit cithæra tibi facilis, mea munera iungam
His Venus auditis respondet mente benigna.
Ipsa meas cupio multòq, libentius opto
Iungi connubio, quàm tu veneranda Minerva:
His studijs demtis nulla est mihi vita relictæ.*

Nunc age dic neruos ubi tendis? num tibi Nympham
 Exoptas castam? dabitur quaecumq; petita.
 Tunc sic Glaucopis: consortes foedere iungi
 Crede mihi tutum: O similes ad aratra iuuentæ
 Quam bene conueniunt: Vestra hæc si certa voluntas,
 Expediam paucis, quæ molli corde voluto:
 Inter Haderslebias, forma pulcherrima virgo
 Incedens, orisq; micans splendore venusti,
 Visa mihi (cuius fastum & memorabile nomen
 Optatam Domini requiem sonat omnipotentis)
 Prudens, iusticiæ, sanctæ & pietatis amatrix:
 Hanc mihi concedi cupio, quam de hinc tibi gnate
 Connubio iungam stabili, propriamq; dicabo.
 Hæc tecum multos læta est victura per annos:
 Hæc minuet curas, numerosa & prole parentem
 Te faciet: Mihi sic fatorum arcana regenda.
 Stemmata prognata est nulli probitate secundo:
 Virgineasq; genas exornat forma pudica.
 Huius me dulces semper coluere parentes:
 Iccirco cordi mihi sit veneranda propago,
 Et nati natorum, & qui nascuntur ab illis.
 Nec me pœnituit docto iunxisse marito,
 Huius præclaram, summa virtute, sororem.
 Huic quoq; consilijs adero, monitisq; docebo,
 Leges ut statuat sibi mores esse mariti.
 Dixerat, Et diuas vocat ad sponsalia Pallas.

Incæptis

Incœptis licitis arident Iuno Venusq.

Felix ante alias nimium noua sponsa puellas, Meli.
Quæ patria aduecta es, grata & statione locata.
O si vixissent qui te genuere parentes,
Præmia solliciti retulissent læta laboris.
Carminibus thalamum Musæ decorate iugalem.

Sol rutilans cœli medium conscendit in orbem, Thy.
Ædem ad sacratam celebris iam pompa virorum
Deducit sponsum, decoratum Palladis arte:
Quem matronarum sequitur mox agmine læto
Sponsa, & nubilibus passim comitata puellis:
Quæ sibimet, tacitis talem persæpe maritum
Exoptant votis, bac ipsa luce repertum.
Tantum conducit castam coluisse Mineruam.
Carminibus thalamum Musæ decorate iugalem.

Viuite felices & ab omni parte beati, Mer.
Connubio iunxit sacro, quos docta Minerva.
Conentur frustra, dulces dissoluere amores,
Carmina, quæ cœlo possunt deducere lunam.
Carminibus thalamum Musæ decorate iugalem.

Hic tibi sponse dies meritò sit clarus honore. Meli.
Tempora textilibus pastores cingite sertis,
Lætentur syluæ, montes & templa Mineruæ:
Lanigeræ saltent pecudes, pictæq; volucres.
Hunc celebrate diem Musæ, celebrate Camænæ.

B

Te Deo

Te Deus æternus, spes & solatia nostri,
Felicem seruet, casta cum coniuge Alethes.
Oceano rutilans properat se tingere Titan:
Cogamus socij pastas ad ouile bidentes.

EPITHALAMIVM,
IN HONOREM NVP=
TIARVM VIRI, ERVDITIONE ET
PIETATE CLARISSIMI, D. M. ERASMI

*Katholmij, Academiæ Hassnienfis professoris dialectici diligentissi-
mi, præceptoris sui reuerendissimi, & Virginis castissimæ, Elizabe-
thæ, filia M. Iacobi Hasebardt (piæ memoriæ) Serenissimi
quondam Regis Christiani III. Chirurgi &
Medici peritissimi,*
scriptum.

A
CHRISTIERNO MICHAELI
LIO CHOAGIENSI.



Pse Deus cæli postquam systema creasset,
Esset & in formã terra redacta suam.
Cætera vt, ex nihilo productũ reptile fecit,
Quicquid & immensus sup̄ter olympus habet.
Rebus adhuc species inerat cùm nulla creatis,
Æterni potuit quæ typus esse Dei.
Prodit homo luteo florens ex puluere factus,
Testis vt Archetypi sit velut ipse sui.

Hunc

Hunc dominum rebus, sapientia summa, creatis
 Præficit, iniungens ordine cuncta regat.
 Sit volucris Cæli præses, sit piscis abyssi,
 Subsultans fundo quem tegit vnda suo.
 Imperet in quoduis fragrantis reptile terræ,
 Inq; hoc quod tellus vendicat vda sibi.
 Essent cuncta suo postquam fabrefacta Magistro,
 Quælibet & formam res habuere suam.
 Et Deus aspectu vidit stare omnia pulchro,
 Nulla videns aliquo displicuisse modo.
 Iungendam sociam primæno duxit Adamo,
 Quò mage felices viueret ille dies.
 Arte ferens hominis, dominante idcirco sopore,
 Costam, quam Dominus fecerat arte Deus.
 Fæmineum in propria mox format imagine sexum,
 Qui celer ad carnem ductus eundo suam,
 Noscitur, eq; viro cum sit caro sumta, Virago
 Non erit immeritò dictus, Adamus ait.
 Hæc tua cum tangant quouis præcordia pacto,
 Et subeant animum, vir venerande, tuum.
 Iuncta tibi, dulcis quòd sit tua costa, Virago,
 Sponsalis nexus, te meminisse iuuet.
 Iuncta quòd extenuet tibi tempora longa dierum,
 Atq; animum tacitis liberet ipsa malis.
 Idcirco qui sis Musarum fidus alumnus,
 Qui sis & studijs fidus, Erasme, meis.

Hausseris

379
Hauferis Aonidum nectar qui dulce sororum,
Et quod Theutonium iussit Apollo melos.
Incipe nunc placita cum coniuge viuere vitam,
Nil queat aeterno gratius esse Deo.
Prodit enim virgo, vultu tibi iuncta modesto,
Virgo legitimo consociata toro.
Nunc aliam vitam, castumq; Cupidinis arcum
Sectandum, aduentu quæ iubet esse suo.



Hafniæ, ipso die Elizabe-
thæ, quo loco & die nuptiæ cele-
bratæ sunt.

3759